



Sesida dals

27 d'avrigl 2021

Communitgà ils

3 da matg 2021

Protocol nr.

384/2021

Incumbensa Koch

concernent mesiras da promoziun a vista mesauna
per dumagnar la situaziun economica

Resposta da la Regenza

La pandemia dal coronavirus tutga fermamain l'economia grischuna, particularmain las interpresas en la chadaina da creaziun da las valurs turisticas. Las consequenzas a vista mesauna n'èn però anc betg visiblas definitivamain. La Confederaziun ed ils chantuns mettan a disposiziun mesiras da sustegn considerablas (indemnisaziun per lavur reducida, indemnisaziun da la perdita da gudogn, mesiras per cas da direzza e.u.v.). Mo per las indemnisaziuns per cas da direzza da l'onn 2021 ha la Cumissiun da gestiun dal Cussegl grond (CdG) mess a disposiziun – sin propostas da la Regenza – meds finansials da 200 milliuns francs brutto. Per interpresas cun ina svieu-ta annuala da main che 5 milliuns francs surpiglia la Confederaziun ina part da 70 pertschient e per interpresas cun svieutas annualas da pli che 5 milliuns francs surpiglia la Confederaziun tut las contribuziuns.

Cun las mesiras menziunadas han la Confederaziun ed il chantun la finamira directa d'accompagnar las interpresas tras la crisa e da mantegnair las plazzas da lavur. La sfida a vista mesauna per las interpresas è ultra da quai quella da mantegnair lur capaciad d'investiziun e lur cumpetitivitad. Ils manaschis cun grondas parts da custs fixs èn dumandads zunt fitg. Quai èn tranter auter las interpresas ch'èn impurtantas per la chadaina da creaziun da las valurs turisticas en las destinaziuns, sco las telefericas ed ils manaschis d'alloschament.

La Regenza fa intensivamain patratgs davart mesiras a vista mesauna per sustegnair il svilup economic en il chantun suenter la pandemia dal coronavirus resp. durant il temp suenter la stad 2021. A la Regenza paran ils criteris ch'èn formulads en l'incumbensa però actualmain d'esser memia stringents. Anzi, en il rom d'ina vista complessiva duain vegnir examinadas mesiras specificas che fan effect a vista mesauna. En quest connex vali er da far scleriments areguard las basas legalas ed areguard il basegn da meds finanzials. Durant la pandemia dal coronavirus èsi sa mussà che la situaziun sa sviluppa e sa preschenta permanentamain da nov – perquai dovri ina gronda flexibilitad.

Sa basond sin questas explicaziuns propona la Regenza al Cussegl grond da midar questa incumbensa sco suonda:

Pervia da quai vegn la Regenza incumbensada d'examinar in program chantunal d'impuls. Eventualas mesiras chantunales dovran ina stretga coordinaziun cun las mesiras da la Confederaziun.



En num da la Regenza

Il president:

Il chancelier:

Dr. Mario Cavigelli

e.sub. lic. iur. W. Frizzoni